

Reglament da contribuziun

Sa basond sin art. 13 cif. 2 ed art. 36 da la constituziun da la Baselia catolica dal chantun Grischun, relaschè dal Corpus catholicum ils 29 d'october 2014

| | |
|-----------------------------------|--|
| Object ed intent | <p>I. Disposiziuns generalas</p> <p>Art. 1 1 Sin quest reglament sa basa il pajament da las contribuziuns finanzialas annualas, da las contribuziuns per cas gravants, da las contribuziuns da construcziun ed il pajament da contribuziuns finanzialas per la promoziun da fusiuns da plaivs e da contribuziuns transitoricas da la Baselia catolica dal chantun Grischun a la plaiv catolica. 2 El reglescha las cumpetenzas, il dretg da far pretensiuns da las plaivs e la determinaziun da l'atezza da las contribuziuns.</p> |
| Finamira | <p>Art. 2 Las contribuziuns finanzialas duain:</p> <ul style="list-style-type: none">a) sustegnair in adempliment effectiv dals duairs da las plaivs che correspunda als basegnsb) rinforzar l'atgna responsabladad finanziaria da las plaivsc) reducir las consequenzas da las differentas capacitads finanzialas da las plaivsd) simplifitgar la gestiun da las finanzas da las plaivs e da la baselia chantunalae) evitar cas gravants pervia da circumstanzas extraordinarias da singulas plaivsf) pussibilitar construcziuns novas ed il mantegniment d'edifizis ed endrizzaments che servan a la baselia ed a la pastoraziung) promover la fusiun da plaivs |
| Resalva da la decisiun d'expensas | <p>Art. 3 Sin dumonda da la cumissiun administrativa approvescha il Corpus catholicum las contribuziuns finanzialas annualas, las contribuziuns per cas gravants, las contribuziuns da construcziun, las contribuziuns per la promoziun da fusiuns da plaivs e las contribuziuns transitoricas sco expensas en il rom dal preventiv. La cumissiun administrativa s'occupa da la realisaziun. Las pretensiuns da las plaivs sa drizzan tenor ils meds mess a disposiziun cun il preventiv che las limitescha era.</p> |
| Intent | <p>II. Contribuziuns finanzialas annualas</p> <p>Art. 4 Las contribuziuns finanzialas annualas duain – sper las ulteriuras entradas – sustegnair in adempliment effectiv dals duairs che correspunda als basegns.</p> |
| Contribuziuns | <p>Art. 5 Las contribuziuns finanzialas annualas èn:</p> <ul style="list-style-type: none">a) la contribuziun da basab) la gulivaziun da la forza fiscala 1. stgalimc) la gulivaziun da la forza fiscala 2. stgalim |

| | |
|--|--|
| <p>Basa per la fixaziun</p> | <p>Art. 6 La basa per la fixaziun da dretgs da prestaziun e l'atezza da la contribuziun finanziaria annuala furman:</p> <ol style="list-style-type: none"> a) il pe da taglia da la plaiv per la taglia da baselgia che vala l'onn ch'il Corpus catholicum ha approvà il preventiv e che vegn inditgà en % da la taglia chantunala simpla (entradas e facultad) b) il dumber da catolics ils 31 da december da l'onn precedent a la decisiun dal Corpus catholicum davart il preventiv c) las entradas fiscalas da las plaivs sin entradas e facultad, da la taglia a la funtauna e da cumpensaziuns en chapital d) il pe da taglia referenzial per taglias da baselgia che vegn fixà mintg'onn da la cumissiun administrativa e che importa tranter 13% e 20% da la taglia chantunala simpla e) l'import en media per chau e plaiv che vegn calculà a maun dal pe da taglia referenzial dal tschintgavel, quart e terz onn precedent e da l'onn da la decisiun dal Corpus catholicum davart il preventiv da la taglia da baselgia f) l'import en media per chau per tut ils catolics obligads da pajar taglia en il chantun Grischun che vegn calculà a maun dal pe da taglia referenzial il tschintgavel, quart e terz onn precedent e l'onn da la decisiun dal Corpus catholicum davart il preventiv da la taglia da baselgia g) la taxa da gulivaziun da la forza fiscala che importa sin l'emprim stgalim tranter 40% e 70% da las entradas da taglia da baselgia en media per chau, calculadas a maun dal pe da taglia referenzial. La cumissiun administrativa fixescha mintg'onn la taxa da gulivaziun da la forza fiscala h) la taxa da gulivaziun da la forza fiscala che importa sin il segund stgalim tranter 71% e 100% da las entradas da taglia da baselgia en media per chau, calculadas a maun dal pe da taglia referenzial. La cumissiun administrativa fixescha mintg'onn la taxa da gulivaziun da la forza fiscala |
| <p>Contribuziun da basa</p> | <p>Art. 7 1 La contribuziun da basa importa CHF 10.00 fin CHF 50.00 per catholic e vegn pajada da mintga plaiv per maximalmain 600 – 1200 catolics. 2 La cumissiun administrativa fixescha mintg'onn la contribuziun da basa ed il dumber da catolics che limiteschan las pretensiuns per mintga plaiv 3 Plaivs cun in pe da taglia per la taglia da baselgia che cuntanscha l'onn da la decisiun d'approvaziun dal Corpus catholicum davart il preventiv almain il pe da taglia referenzial che la cumissiun administrativa ha fixà per l'onn da la decisiun, èn autorisadas da far pretensiuns.</p> |
| <p>La gulivaziun da la forza fiscala 1. stgalim</p> | <p>Art. 8 1 La gulivaziun da la forza fiscala 1. stgalim cuvra la differenza da la contribuziun chantunala media tenor art. 6 lit. f) multiplitgada cun la taxa da gulivaziun da la forza fiscala tenor art. 6 lit. g) e la contribuziun communal media tenor art. 6 lit. e). 2 L'atezza da la contribuziun resulta cun multiplitgar la contribuziun chantunala media tenor art. 6 lit. f) cun la taxa da gulivaziun da la forza fiscala tenor art. 6 lit. g) (40% fin 70%) e subtrahar la contribuziun communal media tenor art. 6 lit. e) multiplitgada cun il dumber da plaivs tenor art. 6 lit. b) 3 Plaivs cun ina contribuziun media per chau ch'è pli bassa che la contribuziun chantunala media multiplitgada cun la taxa da gulivaziun da la forza fiscala, èn autorisadas da far pretensiuns.</p> |

| | |
|--|--|
| <p>La golvaziun da la forza fiscala 2. stgalim</p> | <p>Art. 9</p> <p>1 La golvaziun da la forza fiscala 2. stgalim cuvra la differenza da la contribuziun chantunala media tenor art. 6 lit. f) multiplitgada cun la taxa da golvaziun da la forza fiscala tenor art. 6 lit. h) e la contribuziun communal media tenor art. 6 lit. e), eventualmain cun deducir la golvaziun da la forza fiscala 1. stgalim.</p> <p>2 L'atezza da la contribuziun resulta cun multiplitgar la contribuziun chantunala media tenor art. 6 lit. f) cun la taxa da golvaziun da la forza fiscala tenor art. 6 lit. h) (71% fin 100%) e subtrahar la contribuziun communal media tenor art. 6 lit. e), eventualmain cun deducir la golvaziun da la forza fiscala 1. stgalim, multiplitgada cun il dumber da plaivs tenor art. 6 lit. b) ed art. 9 al. 4.</p> <p>3 Plaivs cun almain 600 fin 900 commembers ed ina contribuziun media per chau ch'è pli bassa che la contribuziun chantunala media multiplitgada cun la taxa da golvaziun da la forza fiscala ed in pe da taglia che na sutpassa il pe da taglia referenzial per betg dapli che 3 puncts procentuals, èn autorisadas da far pretensiuns. La cumissiun administrativa fixescha mintg'onn il dumber d'abitants minimal tranter 600 e 900 per calcular la golvaziun da la forza fiscala 2. stgalim.</p> <p>4 Il dumber da commembers d'ina plaiv – che decida davart las contribuziuns – vegn limità a 900 fin 1200 commembers. La cumissiun administrativa fixescha mintg'onn il dumber d'abitants maximal per calcular la golvaziun da la forza fiscala 2. stgalim.</p> |
| <p>Scadenza</p> | <p>Art. 10</p> <p>1 La cumissiun administrativa sto ordinar il pajament da la contribuziun da basa e la golvaziun da la forza fiscala 1. e 2. stgalim il zercladur da l'onn suenter la decisiun dal Corpus catholicum davart il preventiv.</p> <p>2 Uschè ditg ch'ina plaiv na preschenta betg il dumber da commembers a la Baselia catolica dal chantun Grischun per ils 31 da december, n'èn las contribuziuns finanzialas annualas betg scadentas e na ston betg vegnir pajadas ora.</p> |
| <p></p> | <p>III. Cumpensaziun da l'inegualitad individuala</p> |
| <p>Intent</p> | <p>Art. 11</p> <p>La contribuziun per cas gravants individuals duai sustegnair in adempliment effectiv dals duairs da las plaivs che correspunda als basegns en cas che la finanziaziun ordinaria na tanscha betg.</p> |
| <p>Premissas</p> | <p>Art. 12</p> <p>Las premissas per l'attribuziun d'ina contribuziun per cas gravants individuals ad ina plaiv èn:</p> <ul style="list-style-type: none"> a) l'incassament dal pe da taglia minimal necessari che la cumissiun administrativa fixescha mintg'onn tranter 20% e 25% da la taglia chantunala simpla b) i n'exista nagina pussaivladad da fusiunar cun autras plaivs c) la cumissiun administrativa approvescha il preventiv da la plaiv d) la plaiv s'oblighescha da dumandar precedentamain il consentiment da la cumissiun administrativa per tut las expensas che n'èn betg previsas en il preventiv |

| | |
|--|--|
| Dumonda | <p>Art. 13</p> <p>1 Sin dumonda da la plaiv decidida la cumissiun administrativa davart ina contribuziun per cas gravants individuals.</p> <p>2 Dumondas che vegnan inoltradas suenter il mais da zercladur da l'onn da decisiun davart il preventiv na pon betg vegnir resguardadas.</p> <p>3 L'atezza da la contribuziun dependa dal basegn e dals meds che stattan a disposiziun. La cumissiun administrativa decida a bainappreziar.</p> <p>4 La cumissiun administrativa reglescha ils detagls en disposiziuns executivas.</p> |
| Dretg legal | <p>Art. 14</p> <p>I n'exista nagin dretg legal da retrair ina contribuziun per cas gravants individuals.</p> |
| | <p>IV. Contribuziuns da construcziun</p> |
| Intent | <p>Art. 15</p> <p>Las contribuziuns da construcziun a las plaivs duain vegnir impundidas per custs da construcziuns novas, transfurmaziuns e renovaziuns da baselgias sco era per lur endrizzaments stabels, per chapluttas e localitads da pravenda che servan a la pastoraziun senza endrizzament. La finamira è da facilitar l'adempliment dals duairs u da mantegnair la sostanza architectonica custavla.</p> |
| Premissa | <p>Art. 16</p> <p>1 Plaivs che han applitgà almain il pe da taglia referenzial che la cumissiun administrativa ha fixà en ils dus onns precedents a la decisiun da contribuziun e che s'obligheschan d'applitgar ils tschintg onns sequents a la decisiun da contribuziun almain il pe da taglia referenzial che la cumissiun administrativa ha fixà per l'onn da la decisiun.</p> <p>2 Las contribuziuns da construcziun vegnan concedidas per investiziuns per facilitar l'adempliment effectiv dals duairs che correspunda als basegns u per mantegnair la valor da substanzas architectonicas custavlas, permess che la finanziaziun è garantida.</p> |
| Autezza | <p>Art. 17</p> <p>1 Entaifer 15 onns vegnan pajads 30% dals custs cun dretg da survegnir contribuziuns per object, per baselgias maximalmain CHF 200'000.00, per chapluttas e localitads da pravenda che servan a la pastoraziun maximalmain CHF 150'000.00. Cun etappar las lavurs da construcziun na s'augmenta la contribuziun betg.</p> <p>2 Cun calcular ils custs imputabels na vegnan ulteriuras funtaunas da finanziaziun betg subtrahadas.</p> <p>3 Cun conceder contribuziuns ston vegnir resguardadas l'urgenza e l'impurtanza dals singuls projects per la pastoraziun e l'istorgia culturala.</p> <p>4 La cumissiun administrativa reglescha ils detagls en disposiziuns executivas.</p> |
| Custs senza dretg da survegnir contribuziuns | <p>Art. 18</p> <p>Naginas contribuziuns da construcziun na vegnan pajadas en spezial:</p> <p>a) a construcziuns novas e renovaziuns cun custs cun dretg da survegnir contribuziuns sut CHF 50'000.00 per object</p> <p>b) a garaschas d'autos, plazs da parcar e posts da stazionament e vias</p> |

| | |
|-------------------------|--|
| | <p>d'access</p> <p>c) ad indrizs secundars sco parcs, saivs, etc.</p> <p>d) a l'acquist da zains</p> <p>e) a 50% da la sanaziun dal clutger</p> <p>f) a la sanaziun dal santeri</p> <p>g) a stanzas da morts</p> <p>h) a taxas dal dretg public sco per exempel per la permissiun da construcziun, custs dal plan da quartier e taxas da colliaziun</p> <p>i) chasas-pravenda (senza stanzas che servan a la pastoraziun)</p> |
| Dumonda | <p>Art. 19</p> <p>1 Sin dumonda da la plaiv respectiva decida la cumissiun administrativa davart la contribuziun da construcziun.</p> <p>2 Las dumondas èn d'inoltrar avant il cumenzament da las lavurs da construcziun. Las lavurs da construcziun dastgan – sco consequenza da scadenza – pir cumenzar suenter la decisiun davart la dumonda da contribuziun.</p> <p>3 Dumondas che vegnan inoltradas suenter il mais da zercladur da l'onn da decisiun davart il preventiv na pon betg vegnir resguardadas.</p> |
| Scadenza | <p>Art. 20</p> <p>1 Las contribuziuns da construcziun vegnan pajadas suenter ch'il quint final approvà è avant maun.</p> <p>2 La cumissiun administrativa po far pajaments parzials.</p> <p>3 La cumissiun administrativa reglescha ils detagls en disposiziuns executivas.</p> |
| Reducziun e restituziun | <p>Art. 21</p> <p>1 Sche la plaiv sbassa il pe da taglia da baselgia entaifer tschintg onns suenter la decisiun da consegnar contribuziuns sut il pe da taglia referenzial, vegn la contribuziun reducida pro rata.</p> <p>2 Sche la contribuziun da construcziun è gia vegnida pajada e la plaiv sbassa il pe da taglia da baselgia entaifer tschintg onns suenter la decisiun da consegnar contribuziuns sut il pe da taglia referenzial, sto la plaiv restituir a la baselgia chantunala la contribuziun senza tschains.</p> |
| Intent | <p>V. Contribuziun da promoziun per fusiuns da plaivs</p> <p>Art. 22</p> <p>Cun contribuziuns da promoziun duai vegnir promovida la fusiun da plaivs per in adempliment effectiv dals duairs che correspunda als basegns e per stgaffir structurass pastorals en il senn da l'investgieu e da la baselgia chantunala.</p> |
| Premissas | <p>Art. 23</p> <p>Dretg da survegnir contribuziuns han duas u pliras plaivs che s'uneschon ad ina suletta plaiv cun almain 600 commembers.</p> |
| Autezza | <p>Art. 24</p> <p>1 S'uneschon plaivs, vegn pajada ina contribuziun da CHF 10'000.00 per plaiv. Plinavant survegn la plaiv fusiunada CHF 400.00 per catolic fin maximalmain 1000 catolics.</p> <p>2 La contribuziun vegn pajada ina giada per plaiv. La graduaziun da las</p> |

| | |
|-------------------------|--|
| | <p>fusiuns na dastga betg avair per consequenza che las plaivs retiran contribuziuns pli autas.</p> |
| Dumonda | <p>Art. 25 Sin ina dumonda communabla da las plaivs che vulan s'unir decida la cumissiun administrativa davart la contribuziun da promoziun.</p> |
| Scadenza | <p>Art. 26 La contribuziun da promoziun scada in mais suenter l'entrada en vigur da la decisiun da fusiun.</p> |
| Transiziun | <p>VI. Reglamentaziun transitorica</p> <p>Art. 27 1 Plaivs che han per consequenza da la midada dal sistem entradas da contribuziuns finzialas annualas pli bassas, survegnan l'onn da l'entrada en vigur dal reglament preschent e l'onn sequent almain 100% ed il terz onn almain 50% da la media da las contribuziuns medias pajadas il quart, il terz ed il segund onn avant l'entrada en vigur da quest reglament. 2 Sin dumonda da la plaiv sustegna la cumissiun administrativa il process da transiziun a moda consultativa.</p> |
| Disposiziuns executivas | <p>VII. Disposiziuns finalas</p> <p>Art. 28 En disposiziuns executivas dat la cumissiun administrativa las ordinaziuns previsas en quest reglament e prenda ils conclus necessaris. En cas da basegn po ella publitgar ulteriuras ordinaziuns.</p> |
| Entrada en vigur | <p>Art. 29 Quest reglament entra en vigur il 1. da schaner 2015 suenter l'approvaziun tras il Corpus catholicum ed abolescha tut las determinaziuns cuntradictoricas, en spezial l'ordinaziun davart l'administraziun da finanzas da la Baselgia catolica dal chantun Grischun dals 18 da matg 1960, las disposiziuns executivas per la calculaziun da las contribuziuns da gulivaziun dal 1. da matg 1986 e las disposiziuns executivas per il pajament da contribuziuns ad in'ovra dal 1. da mars 1986.</p> |